

NICHOLLS, ERITH GWYN (1875 - 1939), chwaraewr pêl droed (Rygbi)

Enw: Erith Gwyn Nicholls

Dyddiad geni: 1875

Dyddiad marw: 1939

Rhyw: Gwryw

Galwedigaeth: chwaraewr pêl droed (Rygbi)

Maes gweithgaredd: Chwaraeon a Gweithgareddau Hamdden

Awdur: Moelwyn Idwal Williams

- ar y cyfan, efallai'r enwocaf o chwaraewyr Rygbi Cymru, serch mai yng Nghaerloyw y ganwyd ef, yn 1875. Yn llanc, chwaraeodd fel cefnwr a hanerwr dros glwb yr ' Harlequins ' (a ddarfu ers llawer blwyddyn) yng Nghaerdydd; ar ddydd Calan 1894 yr ymddangosodd gyntaf yn nhîm Caerdydd (er ei fod cyn hynny wedi chwarae dros sir Gaerloyw), fel cefnwr; chwaraeodd deirgwaith dros Gaerdydd fel cefnwr cyn symud i'r canol - fel canolwr yr enillodd ei fri mawr. Rhwng 1896 a 1906, cynrychiolodd Gymru 24 o weithiau, a bu'n gapten Cymru sawl gwaith - y tro enwocaf oedd pan drechodd Cymru, yng Nghaerdydd yn 1905, dîm (anorchfygedig cyn hynny) New Zealand. Bu'n aelod am sawl tymor o'r pwyllgor a ddewisai'r chwaraewyr dros Gymru; a chyhoeddodd lyfr, *The Modern Rugby Game and How to Play It*. Yr oedd yn bartner gyda'i gyd-frawd-yng-nghyfraith [H. B. Winfield](#) yn ffyrm y ' Victoria Laundries.' Bu farw 24 Mawrth 1939. Y mae clwydydd coffa iddo yn y ' Cardiff Arms Park.'

Awdur

Dr Moelwyn Idwal Williams

Ffynonellau

Rugby Football Annual, 1939-40, 11

W. J. T. Collins, *Rugby Recollections* (1948), 14

The Times, 25 Mawrth a 18 Mai 1939

Western Mail, 25 Mawrth 1939 a 28 Rhagfyr 1949

Darllen Pellach

Erthygl Wicipedia: [Gwyn Nicholls](#)

Dolenni Ychwanegol

VIAF: [21682531](#)

Wikidata: [Q950114](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Evch i'n [tudalen codi arian](#) am ragor o wybodaeth.

